

Evening Dogri News Bulletin, 17 April. 2026

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. सरकारै बक्ख-बक्ख सर्टिफिकेटें लेई लैते जाने आहले शुल्कें गी नमें सिरेआ तय कीता ऐ। डोमीसाइल ते जनरल कास्ट सर्टिफिकेट मुफ्त थहोडना। जमीन जायदादें दी रजिस्ट्रेशन फीस महिलाएं लेई 3 फीसद ते मर्दे लेई 7 फीसद मुकरर।
2. लेफ्टिनेंट गवर्नर मनोज सिन्हा होरें भगवान परशुराम जयंती दे मौके पर जम्मू च इक भव्य शोभा जात्तरा गी झंडी दस्सियै शुरू करोआया।
3. मुखमंत्री उमर अब्दुल्ला होरें जम्मू च केई डेलीगेशनें कन्नै मिलियै उंदिएं समस्याएं दे समेबद्द ढंगै'ने नबेडे दा भरोसा दोआया।
4. जल जीवन मिशन बारै खडेरी गेदी हाउस कमेटी नै पुंछ च कम्में दा निरीक्षण कीता। मकामी बसनीकें पानी दी कमी पर अपना रौह ते चैंता व्यक्त कीती।
5. तवी रीवरफ्रंट जम्मू च सैलसफा दे इक नमें गढ़ दे तौर पर उभरियै सामने आया ऐ। 35 ज्हार शा मते लोकें तवी महोत्सव-2026 च शिरकत कीती।

<><><><><><>

Fee-Certificates

जम्मू-कश्मीर सरकार नै बक्ख-बक्ख प्रमाण पत्र ते जमीन दे रिकार्ड जारी करने लेई फीस गी नमें सिरेआ जारी कने दा ऐलान कीता ऐ। आकाशवाणी जम्मू दे संवाददात दी रिपोर्ट मूजब डोमिसाइल ते जाति प्रमाण पत्र मुफ्त

जारी कीते जाडन जिसले के होरनें दस्तावेजें लेई नाममात्र शुल्क लैता जाहगा। आधिकारिक आर्ड मताबक डोमिसाइल सर्टिफिकेट, करेक्टर सर्टिफिकेट, एग्रीकल्चर सर्टिफिकेट, रिलिजन सर्टिफिकेट, खू नमें आधार दा नामांकन ते 5 साल तगर अनिवार्य बायोमेट्रिक अपडेट ते जनरल कास्ट सर्टिफिकेट बगैर कुसै फीस दे जारी कीते जाडन। जमीन दे रजिस्ट्रेशन लेई सरकार नै महिलाएं लेई 5 फीसद ते मर्दे लेई 7 फीसद स्टाम्प ड्यूटी दे कन्नै-कन्नै 1.2 फीसद रजिस्ट्रेशन फीस बी तय कीती दी ऐ।

<><><><><><>

LG-Shobha Yatra

लेफ्टिनेंट गवर्नर मनोज सिन्हा होरें भगवान परशुराम जी हुं'दी जयंती दे सरबंधै च जम्मू दे परेड आले चाणक्य चौक थमां इक बड्डी शोभा जात्तरा गी झंडी दस्सि रवाना कीता। इस शोभा जात्तरा दा आयोजन डोगरा ब्राह्मण प्रतिनिधि सभा आसेआ भगवान विष्णु हुं'दे 6में अवतार भगवान परशुराम हुं'दे जीवन ते शिक्षाएं दा जश्र मनाने आस्तै कीता गेआ। एह्दे शा पैहले लेफ्टिनेंट गवर्नर होरें भगवान परशुराम होरें'गी नमन करदे होई सबनें लेई शांति, तरक्की ते खुशहाली दी प्रार्थना कीती। विधायक युद्धवीर सेठी ते देवयानी राणा हुं'दे अलावा केई सीनियर ऐह्लकार ते मन्ने-परमन्ने दे शैह्दार बी इस मौके पर उत्थे मजूद हे।

<><><><><><>

CM-Delegations

केई सारे विधायकें, डेलीगेशनं ते व्यक्तिगत तौरा पर बी केई लोकें अज्ज जम्मू च मुख्मन्त्री उमर अब्दुल्ला हुं'दे'नै मलाटी करियै अपने बक्ख-बक्ख मसले उं'दे अग्गे रक्खे। साबका मंत्री ते विधायक अब्दुल माजिद वाणी ते साबका विधायक चमन लाल होरें अपने-अपने इलाकें कन्नै जुडे दे मामले पुट्टे जिसले के इंडियन इंस्टीच्यूट ऑफ आर्किटेक्चर्स दे जम्मू-कश्मीर चैप्टर दे इक डेलीगेशनै अपने प्रधान विकास दुबे हुं'दी अगुवाई च मुख्मन्त्री हुं'दे'नै मिलियै हाल च गै एकीकृत भवन उपनियमें च कीते गेदे संशोधन करी पैदा मसलें बारै मुख्मन्त्री होरें'गी अवगत करोआया। तोआई, जम्मू युनिवर्सिटी टीचर्स एसोसिएशन दे प्रधान प्रोफेसर रविंद्र सिंह हुं'दी अगुवाई आले इक

डेलीगेशन नै शिक्षक समुदाय कन्नै जुडे दे मामले मुखमंत्री हुं'दे अगगे पेश कीते। उमर होरें बडे सबर कनै इ'नें सबनें डेलीगेशनें ते लोकें गी सुनेआ ते जकीन दोआया जे उं'दे सबनें जायज मसलें दा पैहल दी बिनाह पर नबेडा कीता जाह्ग।

<><><><><><>

Haj-Flights

जम्मू-कश्मीर हज कमेटी नै ऐलान कीता ऐ जे श्रीनगर थमां हज लेई डोआरियां कल शुरू होडन। आकाशवाणी जम्मू दे संवाददाता दी रिपोर्ट मूजब पैहली त्रै डोआरियां हक गै दिन उडान भरने आहिलयां न। हज यात्रियें गी श्रीनगर दे बेमिना दे हज हाउस च उनेंगी दित्ते दे समं मताबक रपोर्ट करने लेई आखेआ गोआ ऐ। कमेटी नै सबनें हज यात्रियें गी आखेआ ऐ जे ओह रिपोर्टिंग दे समें दा ते समेयान सरबंधी दिशा-निर्देशें दा पालन करन तां जे यात्रा लेई प्रक्रिया सुचारू रूपै कन्नै कीती जाई सके। इस ब'रे जम्मू-कश्मीर थमां कुल 4 जहार 704 तीर्थयात्री हज यात्रा करने आहले न।

<><><><><><>

KV-Reasi

शिक्षा दे खेत्तर लेई इक महत्वपूर्ण गैहू दे तैहत रियासी कस्बे च पैहले केंद्री रियासी कस्बे च पैहले केंद्री विद्यालय दी स्थापना लेई जिमीं दी शिनाखत करी लैती गेई ऐ। इस गैहू कन्नै जिले च शिक्षा दे म्यार ते एहदे केंद्री प्रबंधन च बडा मता सुधार होग। मकामी बसनीकें इस गैहू दा बडा मता सुआगत करदे होई आखेआ ऐ जे इस संस्थान दे बनने कन्नै बच्चें गी शिक्षा दे बेहतर मौके हासल होडन।

<><><><><><>

House-Comm. JJM

जम्मू-कश्मीर च जल जीवन मिशन दी अमल आवरी दा जायजा लैने आस्तै खेडेरी गेदी 13एं मैम्बरें आली हाउस कमेटी नै अज्ज बन्ने आले जिले पुंछ च पानी सप्लाई आली केई सारी योजनाएं दा निरीक्षण कीता। आकाशवाणी दे

जम्मू संवाददाता दी रिपोर्ट मूजब इस दौरे दरान कमेटी नै मंडी इलाके च पानी सप्लाई आली केई सारी स्कीमें दा निरीक्षण करियै जमीनी सतह पर उंदे कम्मकाज दा आंकलन कीता। मकामी बसनीके पीने आले साफ पानी दी नामुनासब सप्लाई पर रौहू जतांदे होई आखेआ जे जल जीवन मिशन दे तैहत केई सारी योजनां खास करियै लिफ्ट पानी सप्लाई स्कीमां खरी चाल्ली कम्म नेई करा'रदियां न जिस करी लोकें गी परेशानी झल्लनी पवा करदी ऐ। महिलाएं आखेआ जे उनेंगी पानी भरने लेई मजबूरन लम्मा पैंडा तय करना पौंदा ऐ।

<><><><><><>

Tawi-River front

जम्मू शैहर दा तवी रीवरफ्रंट मकामी लोकें ते सैलानिएं लेई इक शैल ते मनमोहक थाहू च बदली गेआ ऐ। आकाशवाणी जम्मू दे संवाददाता दी रिपोर्ट मूजब हाल च गै होए दे तवी महोत्सव च 35 ज्हार शा मते लोकें शिरकत कीती ऐ ते जेहड़ा इस क्षेत्र दे सैलसफा ते आर्थिक पुर्नजागरण दे जत्तें च इक मील दा पत्थर साबत होआ ऐ। तवी नदी दे कंडे आयोजित इस महोत्सव च संस्कृति, परम्परा ते मनोरंजन दा मिश्रण समावेश दिक्खने गी लब्बा। इस महोत्सव च सांस्कृतिक कार्यक्रम, छंज, मकामी खाने-पीने दे स्टाल मुख्ब केंद्र हे। संझा तवी नदी दी आरती कीती गेई।

<><><><><><>

Rajouri-Padyatra

राजौरी च अधिकारिएं कल होने आहली नशामुकत जम्मू-कश्मीर अभियान दे सिलसिले च पदयात्रा दे सुचारू संचालन लेई पुख्ता प्रबंध कीते न। एसएसपी ट्रैफिक रूरल जम्मू फारूक कैसर होरें पदयात्रा दे मद्देनजर ट्रैफिक दे इंतजाम बारै मीडिया गी जानकारी दिती। उनें दस्सेआ जे इस कार्यक्रम दरान सुचारू आओजाई तेलोकें दीसुरक्षा गी यकीनी बनाने लेई पूरे-पराते ट्रैफिक सरबंधी खास नियम बनाए गेदे न। भारी मोटर गड्डियें गी दरहाली पुल, खंडली पुल (मेहरा चौक आहली बक्खी) ते पराने बस अड्डे आहली बक्खी दाखल नेई होने लेई आखेआ गेआ ऐ।

<><><><><><>

Haemophilia-Day

सेहत मैहकमे आसेआ अज्ज विश्व हीमोफीलिया ध्याडे दे मौके पर इक जागरूकता केंप दा सरिस्ता कीता गेआ जेहदा मकसद लोकें गी हीमोफीलिया ते इस चाल्ली दी होरनें समस्याएं बारै जानकार बनाना हा। पुंछ दे राजा सुखदेव सिंह जिला अस्पताल च आयोजित इस कार्यक्रमै च डॉक्टरें ते सेहत अमले नै लोकें गी हीमोफीलिया दे लच्छन, एहदी रोकथाम ते प्रबंधन बारै महत्वपूर्ण जानकारियां दित्तिआं। इस केंप च मरीजें, तीमारदारें ते मकामी बसनीकें बी बधी-चढियै हिस्सा लैता।



Weather

मौसम विभाग नै प्रदेश च अज्जै थमां लेइयै औंदी 19 अप्रैल धोड़ी मौसम बदलोखथड़ा बने दे रौहने ते केई सारी थाहरें पर हौली बरखा ते गरज-चमक कन्नै बरखा बरने दी भविक्खवाणी कीती ऐ। इस अवधि दरान तेज ब्हां चलने ते किश थाहरें पर ऐन पौने दी संभावना बी दस्सी गई ऐ। ऊआं औंदी 20 थमां 24 अप्रैल तगर समूलचे खित्ते च मौसम आमतौरा पर खुशक बने दा रौहग। सरबंधत अधिकारिणं लोकें गी सलाह दिती ऐ जे ओह खराब मौसम दे दरान सोहगे –सतर्क रौहन ते खासकरियै अंधी-झक्खड़ ते ऐन-गड़े दी शेंका आले इलाकें च लोड़चदी एहतियात बरतन।

